

# TUUSIPETSI



Lüstig Staatjis en drolig Skelter  
fan

Dr. Heinrich Hoffmann  
Söl'ring fan Kai Klint






## Tuusipetji

*of lüstich Staatjis en drolig Skelter*

Wan Jungen ek tö ārig sen,  
Kumt Kinken mesken tö jam hen.  
Wan ja frai jaar Sop āpiit  
En uk ek dat Bruar auriit;  
Sen ja bi't Spölin hart tö hiir,  
Gaar ek gurtem, sen wü bliir.  
Es da bi dit Spatsiarigung  
Uk nönt Ārigs me diarmung,  
Sok fing tö Jööl Suurt Steken wuk  
- en mesken uk en Skelterbok.




## Tuusipetji



Dit diar Skelt skel weegi  
fui, di Tuusipetji!  
Ön di Hunen diar  
Let hi höm ek skiar  
Di Nailer en di Hiir,  
En hiili Jaar, bal üs en Diir.  
Fui, ken ark'jen sii:  
Tuusipetji, iii!

## Di Tial fan ārig Fedji




Di Fedji wiar en ārig Knecht,  
Me hōm tō lewi wiar ek lecht.

Di Fliien fung hi iin ön't Hüs  
En stjüürt jam söner Flügeln tūs.

Hi slair me Stööl'n di Fügeln duar,  
En uk di Katen wiar ön Nuar.

En harki bluat, hur hart hi wiar,  
Me'n Pitsk hi nü sin Gritji slair.



Bi Suar, diar wiar en Hün tö finj,  
Wiar törstig, wel wat Weeter drink.


Pitsk bi di Hun, fan achtern, saacht,  
kām ārig Fedji ön en braacht

Slaien fuar di Hün, wat hüül't fan Senen,  
Man Fedji fent sa gau niin Jen.

Di Hün bet hōm da lewer iin,  
Hur't siir dö, dit wiar iin ön't Biin.


Di ārig Fedji hüül'ti diar,  
Hi skrualer't me Āpskailighair.

Di Hün, di taacht: „Diar kenst mool se.  
Nü wel ik tūs; di Pitsk kumt me.“



Fedji skel nü iin ön't Bēr;  
Slem es di Biinwark, wat hi heer.

Di Dochter jeft höm Mediziin:  
„Dit smakt nü ek, man't helpt Din Biin“



Bi Fedjis Staal di Hün nü set;  
Hi set diar gur, en Kook hi et.

Hi let di Mārig uk ek lii'n,  
Let höm smak Fedji sin Wiin.

Di Pitsk hee aur di Stööl hi lair:  
Sa kām di seeker ek of Stair.



## Di mal trurig Tial fan di Swaawelstoker



Pauliintji wiar aliin' des Dai,  
Hör Aalern wiar jit önerwai.

Sa sprung en dansit jü ön't Hüs  
Me litji Trapen üs san Müs.

Diar, wat kām diar fuar höör Oog?  
Swaawelstoker fuar Formaak!

Jü taacht: „Wat fuar'n Giraat es des?  
Diar spöl' ik me, sa fuul es wes.

Ik maaki Jöl, üs Mooder gaar,  
Stoker breni, wunerbaar.“

Man di Katen Mek en Moog  
Fing metjens di Biiner hoog.

Me jaar Klauen weegit ja:  
„Heest niin Forloof fan Din Papa!

Miau! Miaar! Miau! Miaar!  
Let't stuun, Dü kumst diarfan ön Nuar!“

Pauliintji jert diarfan man nönt,  
Jü lukit bluat, hur't Jöl bigent.

Dit glinter't lüstich, knakit uk.  
Luki, üp't Skelt heer jü Formaak.

Üs bliir Pauliintji sjocht bluat dit,  
Jü daansit ön di Kööf ombi.

Man di Katen Mek en Moog  
Fing jitjens di Biiner hoog.

Me jaar Klauen weegit ja:  
„Heest niin Forloof fan Din Mama!

Miau! Miaar! Miau! Miaar!  
Smit wech, Dü kumst diarfan ön Nuar!“



Oh, nü se, wat höm diar weeg't:  
Nü brent di Sjüürt, di brent al leecht.

Nü bren' di Hun'n en uk di Hiir,  
Pauliintji es nü ek muar bliir.

Mek en Moog, bigen tö sjung  
Me sawat üs des Uurt diarmung:

„Hur es jen, wat helpi ken?  
Pauliintji brent, bit boowen hen!“

Alis forbrent, wat wiar sa bliir,  
Pauliintji, wech me Haur en Hiir

En betken Eesken blef diarfan  
En höör litj Skuur, sa dailk en blank.

En Mek en Moog, ja set,  
Sen truurig en fortröt.

„Miau Miaar, Miau Miaar,  
Des uur nü fuar di Aalern swaar.“

Di Oogen Tuaren bringi  
Üs Beeken ön di Ingi.